

PLAN DI ACCION PA REVISION DI COMPANIANAN DI GOBIERNO DI ARUBA

Resumen di management

Revision di companianan di gobierno	
Aruba	
Gastonan y efectividad sector publico (B.2)	
Motibo	E metanan di tema B di e pakete di pais ta reduccion di e gastonan di e sector publico en general y aumento di calidad y efectividad (incluso forsa di ehecucion) di e sector publico. Esaki ta inclui tambe companianan (semi)gubernamental. Mas eficas y efeciente e tipo di companianan gubernamental aki opera, mas mihor e ta pa comunidad. Sinembargo indirectamente companianan di gobierno por forma un riesgo tambe pa finanza di gobièrno, pasobra a inverti capital di riesgo den esakinan. Banda di esey por sosode cu gobierno ta obliga pa sostene un compania di gobierno, si acaso continuidad di e compania ey ta bao di presion.
Meta	Un investigacion di cua e resultadonan ta resulta den recomendacionnan specifico relaciona cu e companianan di gobierno investiga y, den sentido mas general, recomendacionnan concreto pa un cuadro di maneho, cu cua por mehora efectividad di metanan di maneho cu ta aspira, e forma di dirigi (governance) y maneho operacional di gobierno, di manera cu por evitá (futuro) perdida y riesgonan financiero pa pais Aruba. A base di e resultadonan aki ta stipula cua ta e siguiente pasonan necesario.
Accion scogi	Aruba tin decenas di compania (semi)gubernamental. Pa limitá tamaño di e investigacion a selecta 6 compania di gobierno, cu ta e promenan cu lo revisa. Un oficina di investigacion externo lo haci e investigacion y e investigacion ta consisti di dos trayecto: 1) revision di e companianan di gobierno y 2) analisis di e cuadro di maneho. Un grupo piloto ta vigila progreso di ehecucion y calidad di e investigacion.
Resultadonan aspira	Den e prome trayecto e proyecto mester duna pa cada compania di gobierno revisa e siguiente resultadonan: <ul style="list-style-type: none"> • Un descripcion di e metanan formal cu e compania di gobierno ta aspira a base di legislacion relevante, statutonnan, documentonan di maneho y otro documentacion. • Un analisis di efeciencia di e compania di gobierno revisa, entro otro haciendo uzo di cifranan clave (regional), benchmarking y un analisis empresarial door di un especialista di e sector. • Un analisis di e interesnan publico cu ta ser sirbi cu e participacion como accionista publico y su efectividad den practica. <p>E proyecto mester duna e siguiente resultadonan den e di dos trayecto:</p> <ul style="list-style-type: none"> • Un analisis di e cuadronan di maneho encuanto institucion, maneho y likidacion di companianan (semi)gubernamental y entidadnan gubernamental cu e meta pa haña un bista den e manera cu e pais ta anda cu esaki. • Un analisis di e maneho di corporate governance y e manera con e pais como accionista y como determinado di maneho ta percura pa cumpli cu e maneho aki. • Un analisis di e forma con e pais como accionista y como determinado di maneho ta dispone/lo dispone di mecanismonan di mantencion tanto legal como pa loke ta trata maneho pa percura cu ta cumpli cu e standardnan pa salarionan halto. • Un analisis di e suministro di informacion di parti di e pais na parlamento

	tocante companianan (semi)gubernamental y entidatnan gubernamental.
Relacion y/of dependencia	Conseho di Minister di Reino a impone riba e paisnan condicionnan cu ta afecta e condicionnan laboral, manera introduccion di un standard di salario pa funcionarionan haltu. Den e investigacion di condicionnan laboral den e seis companianan di gobierno y e analisis di e cuadro di maneho, mester tene cuenta cu funcionamentu di e Landsverordeningnan cu a traha den e cuadro aki.
Planificacion	E preparacion lo tuma luga den e di cuatro kwartaal di 2021, cu e meta pa finalisa e destaho pa mas tarda 15 di januari 2022, pa despues e ehecucion por cuminsa entrante 1 di februari 2022. Segun expectativa lo finalisa e investigacion den augustus 2022.